



乾象通鑑卷第九十四

南方雜座統論下

天廟星論

虎賁星論

長垣星論

靈臺星論

土司徒星論

青丘星論

天廟星論

天廟星統占

客星犯天廟

流星犯天廟

東甌星論

少微星論

明堂星論

軍門星論

器府星論

進賢星論

月五星犯天廟

彗孛犯天廟

雲氣犯天廟



天廟星統占

天文別錄曰天廟十四星在張南其西南星入柳一十五度

甘德占曰天廟一十四星黑主東越三夷金火守兵起芒角

動則內亂 天文志曰張南十四星曰天廟天子之祖廟也

客星守之則祠官有憂 古今星釋曰天廟一十四星分野

主東越三夷之象天子祖廟星明潤則國祚昌星明大出怒

角則宗廟有憂 河圖遺書曰天廟十四星在張南星貴潤

光澤不喜明大動搖星疏坼則主祖廟灾星移徙則主宗廟

有憂 亦曰宗廟遷徙

月五星犯天廟

天文別錄曰歲星逆犯天廟則祖廟不寧太白逆犯天廟則宗

廟有兵起熒惑守天廟則祖廟有大灾若太白成鈞已則朝

廷有兵变辰星逆天廟主有謀覆宗廟者鎮星守天廟主宗廟
興土功

客星犯天廟

天文別錄曰客星干犯天廟則祖廟有兵变若色白如粉絮及

乘之及五十日以上者主外祖有覆祖者 古今星釋曰客

星干犯天廟及抵觸有怒角則臣下有匿謀廟者 陳卓叙

占曰客星抵天廟則東越有兵起 亦曰三夷入寇

彗孛犯天廟

天文別錄曰彗孛星掃天廟其國弃祀 一曰彗掃天廟則百

姓流宗廟毀 古今星釋曰星孛天廟國祚將亡 一曰國

祿祀則星孛天廟 陳卓叙占曰彗尾奄天廟則東越三夷

有兵变

流星犯天廟

天文別錄曰流星干犯天廟則宗廟有虞若流星出天廟則越有使入覲或曰三夷 陳卓叙占曰流星抵觸天廟則三夷有兵變若色白隱也 有聲如雷則夷兵寇中原

雲炁犯天廟

天文別錄曰黑雲氣犯天廟 奄星不見則宗廟將傾覆黃雲氣入天廟則宗廟有喜事青白雲炁入天廟

祖廟兵起為亂

東甌星論

東甌星統占

月五星犯東甌

客星犯東甌

彗星犯東甌

流星犯東甌

雲炁犯東甌

東甌星統占

天文別錄曰東甌五星在翌南其西星入張一度 甘德占曰

東甌五星主東方三夸金火彗守之主夸兵相侵 天文志

曰翌南五星曰東甌主蛮夸星也 古今星釋曰東甌五星

在翌南主蠻夸星明潤光澤則三夸順命星明大及出四怒

角則蛮夸有新君星踈圻則三夷相侵星移徙至蠻夸國飢

入流移星就聚則蛮夸兵起以寇中原 陳卓叙占曰東甌

五星在翌南星貴黃潤不喜明大若光浮而數動搖者三夷

有匿謀用兵

月五星犯東甌

天文別錄曰月逆犯東甌則蠻君惡之月暈東甌則三夸有大兵喪若晝見及成鈞已則蛮夸有死君熒惑守東甌主革命

亦曰有內亂

客星犯東甌

天文錄曰客星抵東甌則三夷有屠城 一曰夸兵大憂 陳

卓叙占曰客星守東甌久而不去狀如三井器則主三夷有

謀及中國事

彗孛犯東甌

天文錄曰彗星犯東甌則主三夷不有死君必有屠城若彗尾

拂東甌則蠻夷敗國 古今星釋曰星孛東甌則三夷內亂

亦曰有白衣會

又曰三夷臣下有殺君者

流星犯東甌

天文別錄曰流星干犯東甌主蠻夸遣大將以兵寇中原 一曰

流星犯東甌三夷大亂

雲炁犯東甌

天文別錄曰黃雲炁干犯東甌三夷有德君亦蠻夷有喜青雲

氣出入東甌三度有兵喪青赤雲炁入東甌則其國大飢

虎賁星論

虎賁星統占

月五星犯虎賁

客星犯虎賁

彗星犯虎賁

流星犯虎賁

雲炁犯虎賁

虎賁星統占

天文錄曰虎賁星一在太微西蕃垣外上相西入軫五度 石

申占曰虎賁星一在太微西蕃垣外人至侍衛之臣占曰主

車騎 古今星釋曰虎賁一星主車騎兵 亦曰天子侍衛

之臣賁星明潤而微小不喜光芒期大若虎賁出四角則天

子侍衛之臣懷奸謀若光浮而動搖則天子不安若星移徙
主天子侍衛之臣有吳意 陳卓叙占曰虎賁星亡則禁衛
有陰謀若星变色失常則禁兵為亂 一曰衛兵叛亡

月五星犯虎賁

天文別錄曰月逆犯虎賁則主天子禁兵有匿謀君上者月暈
虎賁三重及七重主人君親小人失國 古今星釋曰太白
逆犯虎賁則主禁衛叛天子若成鈞已則主失車騎 陳卓
敘占曰熒惑犯虎賁主內亂 亦曰侍衛之兵變

客星犯虎賁

天文別錄曰客星干犯虎賁天下兵後並起 亦曰客星抵虎
賁主車馬滿野 古今星釋曰客星大如瓜守虎賁則天下
兵火起 亦曰客星守虎賁則兵不時出 天文別錄曰彗

星掃虎賁天子兵盡行尾之所拂軍破國亡 古今星釋曰
星孛虎賁人君憂兵變亦主國大有喪 又曰星孛虎賁則
天下死君 大象旁通曰彗星抵虎賁則人主憂內亂破國
軍亡

流星犯虎賁

天文別錄曰流星犯虎賁則天子遣大將出以兵禦外海若流
而有聲如雷則大將以兵叛主 古今星釋曰流星色白光
芒長可丈所炘若火炬狀主軍騎滿野 一曰人君失車騎將

雲炘犯虎賁

天文別錄曰黑雲炘入虎賁則天子不備車騎 一曰內有兵
變黃雲炘入虎賁大將受賜于君青赤炘入虎賁三軍乏糧
食 一曰士卒爭食為亂蒼白炘入虎賁人君侍衛之臣有

叛者

少微星論

少微星統占

客星犯少微

流星犯少微

少微星統占

月五星犯少微

彗孛犯少微

雲炁犯少微

天文錄曰少微四星在太微垣西蕃西北斜列其東南星入張

十七度石申占曰少微四星在長垣東第一星曰處士

第二星議士第三星博士第四星曰大夫占曰星明則國奔

賢士七曜犯守則處士憂宰相訟天文志曰少微四星在

太微西士大夫之位也一名處士亦天子副主或曰博士官

主衛掖門星明大而黃則賢士舉月五星犯之處士辱女主

有憂宰相易古今星釋曰少微四星在太微西蕃西北斜

列星明潤而光澤則賢士在位觸者在職一曰國舉賢能

大象旁通曰少微星踈坼則賢士在野星就聚則人君不

親賢星暗及移徙則處士有憂光浮而數動搖則宰相訟若

星黃潤明澤則野无遺賢

月五星犯少微

天文錄曰月逆犯少微則女主有憂一曰處士被辱月暈再

重犯少微主賢人被斥逐古今星釋曰歲星逆犯少微則

人主見賢不用熒惑犯守少微則大臣以失職坐法若守之

久而不去或去而復來及成鉤已者則小人進賢人隱天下

將有變若太白犯守少微則賢者以叛上一曰有人喪又

曰上相死晉安帝隆安五年九月庚子熒惑犯少微占曰

女主憂宰相易 晉安帝義熙元年九月甲子熒惑犯少微
占曰處士誅義熙六年八月乙未太白犯少微丙午太白又
在少微晝見占曰上相死是年四月僕射孟昶自殺 齊文
宣帝天保八年二月己亥歲星犯少微經六十三日占曰五常
亂五月癸卯歲星犯太微上將占曰大將憂大臣死其十年
五月諫諸元宗室四十余家乾明元年誅楊遵彥等皆五常
亂大將憂大臣死之

客星犯少微

天文別錄曰客星干犯少微則大臣被黜 一曰客星犯少微
則賢士心離 古今星釋曰客星大如椀色芒四出則處士
有憂亦主宰相受辱 大象旁通曰客星明大逆守少微星
明大臣有陰謀 一曰客星入少微賢士多遺

彗孛犯少微

天文別錄曰彗星掃少微星宰相有陰謀 一曰大臣專恣擅
人君主柄 古今星釋曰彗星出入少微星旁尾指太微垣中
座光芒相近主國有篡殺之禍 一曰有更主 大象旁通
曰星孛少微星側其野有大臣以兵叛主 一曰人君有驚
憂若奄少微不見其國有大兵喪 魏文帝黃初六年十月
乙未星孛于少微占為兵喪除旧布新之象時帝車軍廣
陵辛丑親御甲冑觀兵明年三月帝崩

流星犯少微

天文別錄曰流星抵觸少微主宰相被黜 一曰大臣以失職
廢若色蒼白陰七有聲一雷有強臣逼人君 一曰人君失
勢 古今星釋曰流星出少微主大臣受命出使若色青白

則使于君命不達于四方若有臣則大臣死 大象旁通曰
流星出少微奄星不見主輔臣有憂處士受禍若光芒炬若
火炬然主處士死

雲炁犯少微

天文錄曰黑雲氣如獸狀欲啗少微則宰相惡之有黃雲氣如
蓋曰旋少微星上而星不奄者賢人進論死若青白雲炁相
間少微星則有急兵起

長垣星論

長垣星統占

月五星犯長垣

客星犯長垣

彗星犯長垣

流星犯長垣

雲炁犯長垣

長垣星統占

天文別錄曰長垣四星在太微垣西南北列其南星入張一十

二度半 巫咸氏曰長垣四星黃在軒轅東占曰又守胡兵

入中國太白入九卿謀反 天文志曰少微南四星曰長垣

立界域及胡夷火入胡兵死中原太白入九卿謀反 古今

星釋曰長垣星在軒轅東主中外界域之象星踈圻則邊陲

有警 一曰邊民有離心星就聚主内外交兵邊域有兵起

一曰胡兵犯塞一星亡則塞垣有警四星俱亡則胡兵入寇

亦曰胡兵猖獗入寇中原若星移徙則邊民流亡失業若星

光浮而數動搖則九卿有憂 大象旁通曰長垣星明潤而

光澤為得常得常則吉星明大又有芒角失本色為變遇變

則凶

月五星犯長垣

天文別錄曰月失行逆犯長垣則九卿失職 一曰臣下有憂月暈長垣再重以上者九卿受禍若太白犯守則九卿謀反若經天及晝見守之主胡兵入寇中原大憂熒惑犯守長垣則有兵喪 一曰有邊禍 古今星釋曰熒惑逆犯守長垣若成鉤已則胡寇中原屠城邑掠民則以至大亂若太白入長垣則九卿謀叛若來去成鉤已者中外界域大兵起 一曰邊民流徙

客星犯長垣

天文別錄曰客星犯守長垣星則胡兵擾域 一曰長垣客抵胡兵大起若星色白如粉絮大如五升器者胡兵猖獗大亂中

彗孛犯長垣

天文錄曰彗星掃長垣胡上惡之 一曰胡國有死君若光芒可數文所主夷狄弃祀 古今星釋曰彗星出長垣光芒射外境主邊卜土陷 一曰九卿有陰謀篡弑之禍若星孛長垣中其象有除旧寘新之象 一曰有更王

流星犯長垣

天文別錄曰流星出長垣主胡使入中國若色蒼白言兵色青赤貨粟色黃則中外有喜若長可丈所色太白有声如雷則胡兵四起 古今星釋曰流星抵觸長垣主邊域有兵變 一曰流星抵長垣兵大相連

雲炁犯長垣

天文別錄曰黑雲炁入長垣其國有陰謀 一曰公卿有叛志黃雲氣如傘蓋長垣不奄其星主中外支離鄰國通好若有

白雲烝入長垣胡地起兵邊城失守有青赤烝如人形抱長垣主邊地糴貴百姓流亡死人滿野

明堂星論

明堂星統占

月五星犯明堂

客星犯明堂

彗星犯明堂

流星犯明堂

雲烝犯明堂

明堂星統占

天文別錄曰明堂三星在太微垣左執法西南其北星入翌七

度半 甘德占曰明堂三星在太微垣西主天子布政之

宮星明則吉 大象旁通曰明堂星在太微垣吉主天子執

法西南主天子布政令之所星明潤而光澤則天子改令宣

布百姓咸被德澤而天下和平星变色移徙主者德澤不施

于民天下怨謗 古今星釋曰明堂星暗及動搖則王者法

令急星踈圻主天子遷都星就聚則天子紀綱弛廢 一曰法

令大懷星端列主王法曲三星俱亡則王者失勢疆臣擅人

主柄

月五星犯明堂

天文別錄曰月逆犯行失度干犯明堂星主大臣于天子法令

若月暈明堂星主二日內有急雨熒惑逆犯明堂星則王庭

有火災若成鉤已者王者政急下民為亂歲星循度守明堂

王者德澤下施百姓和悅天下和平鎮星逆犯明堂王者興

役以營宮闕下民怨謗辰星逆守明堂天子有急令 一曰

與大獄

客星犯明堂

天文別錄曰客星犯明堂色白如粉絮王庭有刺客 一曰外
臣有匿謀 古今星釋曰客星逆犯明堂形大如五升器主
王者雲毒良民不恤孤寡 一曰有曲法加民

彗孛犯明堂

天文別錄曰彗星于犯明堂星天子政令不行強臣擅命以震
人主 一曰天子失勢 又曰彗星掃明堂以成禍亂 古
今星釋曰彗星出明堂星中大人惡之 一曰天子有更令
若星孛于明堂其野改君易政

流星犯明堂

天文別錄曰流星干犯明堂王者徙都 一曰天子不安流星
出明堂中主人君遣使布令四方色黃則吉余色俱凶 古
今星釋曰流星掃觸明堂星主更法令以毒民上不知恤下

不怨謗以成禍亂若星流出明堂隆七有声如雷則強臣擅
命以震人主

雲炁犯明堂

天文別錄曰黑雲氣干犯明堂星形如獸類或來或去主法度
大壞朝廷失紀綱青赤雲氣犯明人堂君暴雲以加死辜
黃炁入明堂如蓋狀覆其上者天子德政宣布四方下民悅
豫

靈臺星論

靈臺星統占

客星犯靈臺

流星犯靈臺

靈臺星統占

月五星犯靈台

彗星犯靈台

雲炁犯靈台

天文別錄曰靈台三星在太微西南其北星入張二十度 廿
德占曰靈台三星黑在明堂西候雲霧占同司怪 古今星
釋曰靈台三星主候天地日月星辰雲霧之變星明潤而光
澤主天子聞災察變以修德保福也 黃帝摠占曰靈台星
明則五星循執星暗及動搖當候七曜以察其變也 陳卓
叙占曰靈台星移徙則天官失職星踈圻則期百二十日有
星變 一曰靈臺踈圻彗孛光赫星就聚則五星有晝見者
不尔則日月蝕若光浮而動搖則五星不循軌

月五星犯靈台

天文別錄曰月逆犯靈台星主天下大變期五日月蝕則解月
暈靈台臣下有匿謀辰星失度則解 古今星釋曰歲星犯
守靈台星國大飢期五日熒惑失度及成鈎已即解太白犯

靈臺國有兵喪 一曰為白衣會期五日太白晝見或經天
即解鎮星犯靈台其野有土功民怨期五日鎮星退行下循
軌道即解辰星犯靈台其國大水荒期五日辰星失本色退
行不循軌通即解

客星犯靈臺

天文別錄曰客星犯守靈台主國有淫祠有妖言以妬國政
一曰巫祝為朝廷害 古今星釋曰客星抵靈台光芒四出
主天子不畏天變以成禍乱

彗孛犯靈台

天文別錄曰彗星如帚掃靈台主天子不畏天命以致亡國一
曰有更王若光芒長可丈所不有亡國必有死君 古今星
釋曰星孛于靈台奄靈台中星不見其國有野死君 一曰

星孛靈臺其國有新主

流星犯靈台

天文別錄曰流星抵觸靈台主天官失職被逐 古今星釋曰
流星出靈台降七狀有聲如雷主太史以諂佞欺國以致失
職

雲炁犯靈臺

天文別錄曰黑雲炁入靈台主五星失度退行天子聞災不畏
天變以咸禍亂黃雲炁如人形狀靈台主天官以職受賞
一曰天子聞災修德以禳之青赤雲炁如樓殿犯靈台主有
妖言以誑惑天子曰如劍狀 入靈台為兵變天下大亂

軍門星論

軍門星統占

客星犯軍門

彗星犯軍門

流星犯軍門

雲炁犯軍門

軍門星統占

天文錄曰軍門二星在軫南其西星入翌一十五度 石申占
曰軍門二星赤在青丘西南天子軍門星移則道不通守常則
占同南門 天文志曰主司徒北二星曰軍門主軍營侯彪
尾威旂 古今星釋曰軍門二星主軍營出入之象星明潤
則軍出以律星明大有芒角則三軍暴出 亦曰朝廷有急
兵星踈圻則三軍潰主將死星就聚則三軍叛殺大將星光
浮而數動搖則外兵至 大象旁通曰軍門閉有兵兵罷无
兵兵起謂二星光也相屬曰閑一曰則天子禁衛兵出二星
俱亡天子兵盡行

客星犯軍門

天文別錄曰客星抵觸軍門星中主外兵寇邊城又曰外兵
侵掠內地 大象旁通曰客星守軍門主刺客入軍營色白
如粉絮者主將破害餘色失輕

彗孛犯軍門

天文別錄曰彗星如帚掃軍門則朝廷有內變宿衛有以陰謀
為亂 大象旁通曰星孛于軍門主禁兵為亂以傾宗社
一曰國奔祀

流星犯軍門

天文別錄曰流星抵觸軍門主外寇交侵內兵失利主將當之
大象旁通曰流星入抵軍門主外國兵寇圻向天子有憂
雲炁犯軍門

天文別錄曰黑雲氣如猛獸入軍門大將遷營寨不尔失主帥

白雲炁如猛獸入軍門大將遷營攻戰退守則吉有黃雲炁

出入軍門主三軍得主地青赤氣出入軍門天子禁兵不嚴

土司空星論

土司空星統占

客星犯土司空

流星犯土司空

土司空星統占

月五星犯土司空

彗孛犯土司空

雲炁犯土司空

天文別錄曰土司空四星在軍門南其西北星入翌一十四度

巫咸氏曰土司空四星黃在軍門南主上功占曰金火犯

守男不耕女不織天下多游手 古今星釋曰土司空主土

功主農桑亦主畧域星明潤則主者親農桑以勸天下星暗

則土功勞民星移徙則邊城失守 大象旁通曰土司空星主邊域星直則有邊兵起星疎圻則天子興土功以失民心星就聚則中外交兵農業失業星光浮而數動搖者人君親不急之務

月五星犯土司空

天文別錄曰月逆行失度犯土司空星主邊土陷不有破軍必有屠城 古今星釋曰歲星順守土司空其國大穰民不失耕桑榮惑失行犯土司空國大飢民流亡太白經天犯土司空主人君起土功以勞民天下焦勞百姓怨謗毒 一曰有急兵辰星失行犯土司空其國大水傷禾糴貴民飢

客星犯土司空

天文別錄曰客星犯土司空其國有失業之民 一曰百姓流亡

以避土役

古今星釋曰客星大如瓜守土司空色白如粉絮邊土有兵變 一曰邊兵受禍

彗孛犯土司空

天文別錄曰彗星帚掃土司空其野以土役失國 一曰邊城將陷則彗掃土司空 古今星釋曰星孛于司空其國有更王若色白則邊城有僭竊大臣 一曰外臣震主

流星犯土司空

天文別錄曰流星抵觸土司空主百姓流離 一曰其國民失業 古今星釋曰流星入土司空主男不耕女不蠶天下失農桑四海多游于與金火犯守同占

雲炁犯土司空

天文別錄曰黑雲氣犯土司空星其國河失隄防興土功以壅

水患黃雲氣入土司空邊地有納土者青赤炁為歲飢民死于通白炁入之為亂兵

器府星論

器府星統占

客星犯器府

彗孛犯器府

流星犯器府

雲氣犯器府

器府星統占

天文別錄曰器府三十二星在軫南其西北星入翌一十度

甘德占曰器府三十二星在軫南主樂器星明則樂調治故

有德之君以樂七人也 天文志曰軫南三十二星曰器府

樂器之府 古今星釋曰器府星主樂器以顯治功也星明

潤主天子治功成以告天也星暗則天子尚鄭衛之音以娛耳

目也星移徙則人君親不急之務星就聚不容委數者禮義

不自天子出 一曰強臣擅命星踈坼則天子禮樂大懷天

下不治其國亂 大象旁通曰器府星主樂器之府星明則

人君以政治國以樂化人功成之象也若光浮而動搖者主

人君无德以淫哇自娛也 陳卓叙占曰器府星明大有芒

角三十二星俱動搖其國禮樂將大壞若三十二星俱亡主

天子恣荒淫亡國政淫風大行礼樂施廢

客星犯器府

天文別錄曰客星犯器府星主其國失政百姓荒淫若星色蒼

白其野民困 古今星釋曰客星抵器府奄星不見其國有

亂政人專恣淫風禮樂大壞

彗孛犯器府

天文別錄曰彗星掃器府主諸侯專恣不受制于天子 亦曰
禮樂征伐不自天子出 古今星釋曰星字器府主其國有
大喪 一曰星字器府其國陰謀樂府生塵

流星犯器府

天文別錄曰流星抵觸器府主伶官于時政 一曰小人在位
古今星釋曰流星入器府有聲如雷主人君親寺伶倫以

危宗社

雲氣犯器府

天文別錄曰黑雲氣如人抱器府星主伶倫在高位黃炁如樓
閣在器府旁主天子作樂以告成功青赤炁出入器府中或
奄星不見主樂府有大灾

青丘星論

青丘星統占

彗孛犯青丘

雲炁犯青丘

青丘星統占

客星犯青丘

流星犯青丘

天文錄曰青丘七星在軫東南其北星入軫一十二度半 甘
德占曰青丘七星在軫東主東方三夷占同東甌 天文志
曰青丘七星在軫東南蠻夷之國号也 古今星釋曰青丘
七星在東方三夷亦蠻夷之國號也 星明潤則三夷順命星
明大出怒角則蠻夷有改王 星疎坼則三夷相侵 伐星就聚
則蠻夸盛强以寇内土者移徙夷國大飢民流亡

客星犯青丘

天文錄曰客星犯青丘主東方三夷有陰謀若色白如粉絮則

也外交侵天下民大擾 古今星釋曰客星抵青丘狀如瓜
大久而不去主蠻夷遣刺客死士入中國以謀禍亂

彗孛犯青丘

天文別錄曰彗星如帚掃青丘主蠻夷有死君不狀國弃祀
大象旁通曰星孛青丘主三夷內亂 亦曰臣殺君下謀上
流星犯青丘

天文別錄曰流星犯觸青丘主蠻夷遣使出疆若隱也 有聲如
雷其國有死使不達于四方 古今星釋曰流星出青丘主
夷使懷奸以謀中土色白炸若火炬其國有姦使出境

雲炁犯青丘

天文別錄曰黑雲氣如獸類欲踐青丘主夷貊有兵變 一曰
蠻夸起兵以寇中土青雲炁如人捧青丘東夷大飢青赤云

炁出入青丘三夷國亂白云炁出入青丘三夷內亂不有死
君必有亡國

進賢星論

進賢星統占

月五星犯進賢

客星犯進賢

彗星犯進賢

流星犯進賢

雲炁犯進賢

進賢星統占

天文別錄曰進賢一星在平道西入軫一十五度 石申占曰
進賢一星黑在太微東主荐賢良占曰星明則天子用賢人
在位星暗則賢人在野小人在位諛佞興行 古今星釋曰
進賢在太微恒東主天子任用賢能星明潤光澤主賢人在
位忠良彙征星暗則小人弃君子之器星移徙則賢人在楚

不為朝廷用星出怒角及動搖則讒諂害忠良賢者不能得進

月五星犯進賢

天文別錄曰月逆行失度犯進賢星主不忠之臣擅主柄月暈進賢期五日有雨即解元兩小人在高位古今星釋曰歲星順守進賢七人進朝廷理一日天子死為而治熒惑犯逆進賢主賢人死一日賢者坐法太白犯進賢主不賢以兵亂一日大臣死晉安帝義熙三年九月壬子熒惑犯進賢四年三月左僕射孔安國卒

客星犯進賢

天文別錄曰客星犯進賢星其國有遺賢一日失賢士心古今星釋曰客星守進賢星色白如粉絮主賢臣失職一

曰賢相受辱 陳卓叙占曰客星守犯進賢星主賢人為諂

佞沮 一日讒諂害忠良則客星守進賢

彗孛犯進賢

天文別錄曰彗星如帚掃進賢主賢人去國天子失勢若色蒼白光炸若火炬人君死宗社危 古今星釋曰星孛于進賢主天子失賢相臣以傾社稷 一日星孛進賢則賢臣離

流星犯進賢

天文別錄曰流星犯進賢共國賢臣出使受辱外國若色白有聲隱狀如雷賢人死于他方 古今星釋曰流星抵觸進賢不肖相妬以成禍 一日賢臣黜不肖在高位

雲炁犯進賢

天文別錄曰黑雲氣犯進賢主賢臣有憂若黑炁如人狀抱進

賢主人君失賢白炁如兵器主賢人去國黃雲炁如蓋狀覆
進賢主賢人去國

河間府免解進士李季奉

聖旨編

乾象通鑑卷第九十四終

乾象通鑑卷第九十五

五星總論上

五星比象論

五星入廟論

五星相合論

月蝕五星論

五星出不出論

五星在陰論

五星比象論

五星得位論

五星下降論

五星相聞論

五星相色論

五星伏見論

經曰五星有色大小不同各依其行而順時應節色變有類青
皆比參在肩赤比心大星黃比參右肩白比狼星黑比奎大
星不失本色而應其四時吉色害其行凶

五星得位論

經曰五星所出所行所直之辰其國為得位得位者歲星有德
熒惑有禮鎮星有福太白兵強辰星陰陽和所行所直之辰
順其色而有南者勝其色害者敗居實有德也居虛无德也
色勝位行勝色行得盡勝之

五星入廟論

經曰營室為清廟歲星廟也心為明堂熒惑廟也南斗為太室
填星廟也亢為䟽廟太白廟也七星為員官辰星廟也五星
行至其廟謹侯其命

五星下降論

經曰五星盈縮失位其精降于地為人歲星降為貴臣熒惑降
為童兒歌謠嬉戲填星降為老人婦女太白降為壯夫處子

林麓辰星降為婦人吉凶之應隨其象告

五星相合論

經曰五星歲與填星合為內亂為飢與辰星合為變謀而更事
與熒惑合為飢為旱與太白合為白衣之會合聞國有內亂
野有破軍為水太白在南歲星在北名曰北牡年穀大熟太
白在北歲星在南年或有或无熒惑與太白合為爍為喪不
可舉事用兵故熒惑從太白軍憂離之軍舒出太白之陰有
分軍出其陽有偏將之戰與填星合為憂主孽卿與辰星合
為北軍用兵舉事大敗 一曰熒惑與辰星合為焯不可與
事用兵有覆軍下師 一曰為變謀更事必為軍與太白合
為疾為白衣會為內兵國亡地與歲星合國飢辰星與太白
合為變謀為兵憂入太白中而止出破軍殺將客勝下出客

亡地視其所指以命破軍環繞太白若聞大戰客勝

五星相聞論

經曰歲星熒惑填星太白與辰星聞皆為戰兵不在外皆為內
亂用同舍為合相度為聞二星相近其殃大相連无傷七寸
以內必之

月蝕五星論

經曰月蝕五星其國皆亡歲以飢熒惑以亂填星以殺太白以
強國戰辰星以女亂五星入月其野有逐相太白相糝

五星相色論

經曰五星色闌白為喪為旱赤中不平為兵青為憂為水黑為
疾為多死黃為言皆角赤犯我城黃地之爭白哭泣聲青有
兵憂黑有水五星同色天下偃兵百姓安寧歌舞以行不見

灾疾五穀蕃昌

五星出不出論

經曰五星歲星緩則不行急則過分逆則占熒惑緩則不出急
則入違通則占填星緩則不逆急則過舍逆則占太白緩則
不出急則不入逆則占辰星緩則不出急則不入非時則占
五星不失行則年穀豐昌

五星伏見論

經曰五星伏見面行逆順遲速應歷度者為得其行政合于常
違歷錯度而失路盈縮者為亂行亂行則為天失彗孛而有
亡國革政兵飢喪亂之禍

五星在陰論

却萌曰歲星在陰多水熒惑在陰后妃有憂填星在陰匿謀動

太白在陰依兵起辰星在陰多水潦陰謂五星行黃通北也

乾象通鑑卷第九十五終

乾象通鑑卷第九十六

五星摠論下

五星所主論

五星色圓論

五星係八卦論

候五星論

四星合聚論

五星所主論

五星常色論

五星有角論

五星經天論

五星合聚論

三星合聚論

巫咸曰歲星守火熒惑守土鎮星守金太白守水辰星守木石

五星各守其子則陽氣不足歲多水灾民飢 巫咸曰歲星

守土熒惑守金填星守水太白守木辰星守火右五星各守

所勝則賦斂繁人多徭役強凌弱象暴寡盜賊多兵革起

巫咸曰歲星守水熒惑守木填星守火太白守土辰星守金
右五星守其母有陰謀者必敗或曰陰炁不足多有火災

五星常色論

歲星色青熒惑色赤填星色黃太白色白辰星色黑

五星色圓論

青圓為飢赤圓為旱黃圓為喜白圓為喪黑圓為水病

五星有角論

黃角地之爭赤角犯我城白角号哭聲青角為憂兵黑角為憂

水

五星係八卦論

歲星係于震震者象草木之生動而遲也又似風雷有時而作
耳雷震百里風為號令而震動者人君之象也故象主德為

熒惑係于离七火德也凡物之常動不靜者火也火能始明乱

察燔燒積穢蕩除兵氣故熒惑行疾于木而象礼官也察獄

以罰方物易曰相見乎離大人以係明始于四方故主乱察

焉填星係于坤艮故行其最遲象地之與山不可移易者女

主之德也

太白係為乾七為天体行健不息故金行最急易曰說乎兌戰

乎乾故主兵七須有威故主威兌為說言以說使人以威臨

物乾兌之道也故太白金主兵為

辰星係于坎七為大水者昼夜常流无有休息故水行亦遠南

金相似坎為水為陰為盜為刑七盜于險司獄之官也故其

坎所主于刑焉

五星經天論

經曰五星經天者占曰為下臣為更王 晉惠帝永寧元年自
正月至于閏月五星五經天縱橫无常星傳曰日陽君道也
星陰臣道也日土則星亡臣不得專也晝而星見午上者為
經天其占曰為不臣為更王今五星悉經天已變所未有也
石申曰辰星晝見其國不王則亂是后台鼎方伯互大權二帝
流亡遂至六夷更王迭據華夏亦載籍所未有也

候五星論

甘氏曰候歲星以春甲乙候熒惑以夏丙子候填星以季夏成
巳候太白以秋庚辛候辰星以冬壬癸凡候五星冬以壬曰
色正則吉若其日色變則為灾候之尤切也

五星合聚論

天官書曰五星若合是謂易行有德授慶改立王候者掩有四

四方子孫蕃昌亡德受殃五星皆大其事亦大皆小事亦小
周文王七年孟春五星聚房昭理四海文王既沒太子發代立
是為武王

齊桓公將伯五星聚箕遂能九合諸侯一正天下

漢高祖元年十月五星聚于東井以歷推之從歲星也 李奇曰

歲星得其正庭其四星隨此而常正行故曰從 孟康曰歲星
先至先至為主也此高皇帝受命之符也故客謂張耳曰東
井秦地漢王入秦五星從歲星聚當以義取天下秦王子嬰
降于枳道漢王以屬吏宗器婦女亡所取閑宮封門還軍次
予伯上以候諸侯與秦民約法三章民亡不歸心者此所謂
能行義矣天之所與也五年遂定天下即帝位此明歲星之
崇義東井為秦之地明效也

唐天寶九年八月五星聚于尾箕為幽燕之分熒惑為道而又先去安祿山雖圍逼兩京不日屠滅者此尚炎上之應熒惑先去明矣

四星合聚論

天官書曰四星若合是謂大盪其下兵喪并起君子憂小人流四星聚者有漢光武晉元帝並中興而魏宋並更犯是四星聚有以逆易行者

晉安帝義熙三年二月癸亥熒惑填星太白辰星聚于奎婁從填星也徐州分是時慕容超僭號于齊兵連徐兗連年抄掠至于淮泗姚興譙縱僭号秦蜀芦循及魏南北交侵其五年裕北殄慕容超是四星合聚之應

後魏晉泰元年十月甲寅太白熒惑填星戰星逆入參嘴甚明大

占曰當有王者興十月齊高祖起信都至中興二年春破尔朱把開伯業

唐肅宗至德二年夏四月壬寅歲星太白熒惑辰星聚于井鬼井鬼秦地也從太以義肅宗與回紇之象合天下義兵于長安城西斬逆賊張通儒十餘萬眾使收東西二京天下太平是從歲星之德

後唐莊宗同光元年四月己巳即帝位先是唐咸通中太白辰星填星熒惑聚于畢昴占曰趙魏當有王者懿宗命鎮州王景崇被袞冕攝朝臣下備儀仗軍府稱臣三日以厭之至是凡四十九年而應之

后周太祖以漢乾祐四年五月五日即帝位先是丁未年六月填星太白歲星熒惑四星合聚于張占曰有帝王興于周者

故漢祖建國由平陽陝服趨濟陽以應之及隱帝將嗣位封周王已符其事而帝以姬号之後復繼宗周而天人之契炳然矣

三星合聚論

天官書曰三星若合是謂驚位絕行其國外有內兵與喪百姓飢乏改立侯王

班固天文志曰三星合民人見飢

却萌曰歲星熒惑填星與相參會一舍君子過也有亂相為水旱為飢為土功

荆州占曰歲星與熒惑填星全相舍相去三尺已外各留七日

以上至二十日天下兵起谷貴民飢

荆州占曰歲星熒惑太白聞殺大將迫之環之貫之殺偏將太

白與歲星填星合其國謀兵起不戰

荆州占曰填星太白辰星合宿為國亡地戰不勝

漢和帝永元五年四月癸巳太白熒惑辰星俱在東占曰三星

合內外合有兵又為法令是年七月大水漂殺人民傷五谷

九月行車騎將軍事鄧鴻越騎校尉馮桂發左右羽林軍北

征叛胡

漢獻帝建安十八年秋歲星填星熒惑俱合入太微逆行留守

帝廷百餘日占曰三星入太微宮人主改至延康元年十月

禪位

晉惠帝元康三年填星歲星太白三星聚于畢昴占曰為兵喪

昴畢趙地也後賈后陷殺太子趙王倫廢后又殺之斬張華

裴頠遂篡位廢帝為太上皇天下從此遠亂連禍

懷帝永嘉六年七月熒惑歲星太白聚牛女之間徘徊進退案
占曰牛女揚州分是後兩都傾覆而元帝與楊上

唐文宗開成四年正月丁巳熒惑太白辰星聚于南斗占曰三
星合聚有兵喪改立王公至次年正月辛巳上崩于大明宮

乾象通鑑卷第九十六終

乾象通鑑卷第九十七

瑞星總論

景星論

含譽星論

歸邪星論

瑞雲星論

景星論

傳曰景星者德星也

符瑞圖曰景星者大星也狀如半月生于晦朔助月為明

禮緯含文嘉曰九錫以禮則景星出

孝經鈎命決曰天子至孝海內懽悅德潤八方則景星出

春秋元命包曰類感象與功平德究制禮作樂蠻夷奉貢則景

周伯星論

格澤星論

天保星論

星出

詩緯含文嘉曰天子穆也諸侯皇也則景星出
巫咸曰景星見其國昌

周伯星論

晉書曰周伯星黃色煌也然所見之國大昌

劉敞天文占曰周伯星所見之國大昌

舍譽星論

宋均曰舍譽星瑞星也

孝經援神契曰舍譽光擢似彗喜則舍譽射

武密曰天子孝四海惟制禮作樂蠻夸奉貢則舍譽射

格澤星論

晉書曰格澤星狀如炎火下大上銳色黃白起地而上見則不

種而獲不有土功必有大客

歸邪星論

漢書曰如星非星如雲非雲名曰歸邪李奇曰邪青蛇

孟康曰歸邪星者星有西赤彗上向上有蓋狀氣下連星歸邪

星出必有歸國者

天保星論

晉書曰天保星者流星之類有音如炬火下地野雉鳴天保也

所墜國有喜

隋開皇元年十一月己巳有流星光燭地占曰大流星有聲者

名曰天保也所墜之國其國有喜後九年平陳天下一統是

統也

乾象通鑑卷第九十七終

乾象通鑑卷第九十八

祿星總論

天梧星

天撓星

天衝星

昭明星

天讒星

六賊星

旬始星

燭星

長庚星

地維藏光星

天槍星

蚩尤星

國皇星

司危星

五殘星

獄漢星

天鋒星

蓬星

四鎮星

老子星

枉矢星

天狗星

營頭星

蓬絮星

天梧星論

傳曰天梧一名覺星本類星末銳長四丈或出東北方主奮爭
河圖曰歲星之精流為天梧 甘德曰天梧出其國凶不
可舉事用兵必有破軍拔城 亦曰女主有用事者 石申
曰天梧星出不過三月必有破國亂君之殃不盡當有飢旱
暴疾 天官書曰歲星失次舍以下進而東北三月生天梧
長四尺末銳

天槍星論

巫咸曰彗星出西方長二三丈名曰天槍 甘德曰槍云本類
星末銳長二三丈 石申曰槍星如馬 潛潭巴曰天槍主

政隳 巫咸曰天槍出其國有土功 天官書曰歲星失次

舍退而西南三月生天槍長數丈兩頭銳

天撓星論

荆州占曰天撓西出長數丈 甘德曰撓云左右銳長數丈
石申曰撓雲如牛 班固曰天撓出為兵喪 荆州占曰
天撓出其國內亂 天官書曰歲星失次退而西北三月生
天撓長四丈末銳

蚩尤旗星論

傳曰蚩尤旗類彗而后曲象旗或曰赤云獨見或曰其色上黃
下白若植藿而長名曰蚩尤之旂如箕可長二丈末有星主
伐枉逆主惑亂所見之方下有兵大起不狀有喪 天官書
曰蚩尤之旗類彗而後曲象旗見則王者征伐四方 巫咸

曰旄頭星散為蚩尤旂 武密曰蚩尤之星出月左右日在丙寅大星將出而不出其應三十日其未出三日赤色之星有多赤方在其旁出主蚩尤之星長十餘丈其下有大戰變色而赤期二年 漢孝武帝建元六年八月長星出東方斡天三十日不没占曰蚩尤旗也自後兵誅四夷數十年兵革亢之南占曰蚩尤旂見後則王征伐四方其後丞相曹公征討天下且三十年

天衝星論

傳曰天衝出如人蒼衣赤頭不動見則臣謀主武卒發天子亡運斗樞曰天衝星出臣謀主武卒發天子憂

國皇星論

傳曰國皇星大而赤類南極老人星或曰去地三丈如炬火主內寇內亂或曰其下起兵七強或曰內外有兵喪 春秋考吳郵曰國皇見東南則兵起天下急速 漢孝靈帝光和中國皇見東南維去地一二次如炬火之狀十餘日乃沒占曰國皇見為兵亂其後黃巾賊張角焚冀州郡朝廷遣將討斬十餘萬級

昭明星論

傳曰昭明象如太白光芒不行或曰大而白无角乍上乍下 一曰赤彗分為昭明昭明滅光以為起霸起德之兆所起國兵多變一曰大人凶兵大起 春秋考吳郵曰昭明星見則國滅賢主立 天官書曰昭明星大而白无角乍上乍下所出國起兵多變 天文摠論曰昭明星金之精出則兵大起若

守房心國有喪不然下有屠城昭明墜下為天狗所下之地
有大戰流血

司危星論

天官書曰司危如太白有目或曰出正西西方之彗星去地可
六丈大而白司危出非其方其下有兵衝不利 荊州占曰
司危類太白數動察之而赤若見則兵起有喪 潜潭巴曰
司危主繫強兵 春秋考異郵曰司危見其下國相列賊

天讒星論

巫咸曰彗星出西方如劍長可四五丈名曰天讒見則其下國
亂 却萌曰星出其狀白小数動是謂讒星見則兵起 潜
潭巴曰天讒主殺將 京房易祿占曰其下相讒為兵飢赤
地千里枯骨藉也

五殘星論

巫咸曰五殘星出正東方星狀類辰星去地可六七丈 荊州
占曰大而赤數動察之而青為五殘見則兵起其下有喪
孝异郵曰五殘兵星也見則國殘兵奔擊 天官書曰五殘
星所出非其方皆為其下有兵冲不利

六賊星論

巫咸曰六賊星見出正南方其星去地可六丈大而赤動有究
天官書曰六賊星所出非其方皆為其下有兵冲不利

獄漢星論

天官書曰獄漢星出正北方之野去地可六丈大而赤數動察
之中青 春秋緯合誠圖曰獄漢主逐王 荊州占曰獄漢
出則兵起其下有喪

旬始星論

巫咸曰旬始星出于北斗旁狀如雄雞其怒青黑象伏鱉見則
更王李奇曰經當言帑晉灼曰怒雌也或曰怒則色青宋均
曰怒謂芒炬刺出

春秋緯合誠圖曰黃彗分為旬始主爭兵旬始者今起也故
以為立正之題 春秋考吳郵曰旬始主亂見則諸侯起兵
班固曰旬始見則群猾橫恣其國不寧期三年 天文摠
論曰樞卜星之精變而為旬始當以戊戌日視五車天庫中
若有奇怪名曰旬始其狀如鳥有喙見則兵大起後戰者敗

天鋒星論

宋均曰天鋒彗象而形似矛鋒見則天下兵起
橫則天鋒星見 合誠圖曰天鋒主縱橫

又曰天下縱

燭星論

傳曰燭星狀如太白其出也不行見則不久而滅 天官書曰
所燭者城邑亂 石申曰燭星出東方其所出者兵不勝者
出南方王者亡地出西方其國有兵喪出北方兵勝 荊州
占曰燭星見大盜不成星青有憂赤有兵黃益地白有喜事
漢元鳳五年四月燭星見奎婁間占曰有土功胡人死邊
城和其六年正月築遼東玄菟城二月渡遼將軍范明友擊
烏桓還

蓬星論

傳曰蓬星大如二斗器色白 荊州占曰蓬星狀如夜火之光
多即四五少即一二蓬星若在西南修數丈左右銳出而易
處期三年所當之國受殃蓬星出于東方南方東北不大旱

則有大水五穀不收糴貴 班固曰蓬星出必有乱臣 武
密曰蓬星狀如粉絮出北斗間則諸侯有奪地 晋安帝元
興元年十月有星色白如粉絮見在太微西至十二月入太
微占曰蓬星見兵入天子廷二年十二月桓玄篡位迁帝后
于潯陽

長庚星論

天官書曰長庚如一疋布著天見則兵起 唐懿宗咸通九年
七月西方有祲星如布練亘空占曰星如疋練出曰長庚星
見則兵起至次年發諸道兵七万三千收復徐州龐勳走臨
漁溺水死

四填星論

巫咸曰四填星出四隅去地六丈餘

天官書曰四填星去地

可四丈 荆州占曰四填星大而赤去地可二丈常以夜半
時出四隅皆為兵起其下

地維藏光星論

巫咸曰地維藏光出四隅

天官書曰地維藏光星見其下有

亂者亡有德者昌 荆州占曰有星出大而赤去地二三丈
如月始出是謂地維光出東南旱出西南兵北出西北天下
大變出東北大水

老子星論

張衡曰老子星色純白然所見之國為飢為凶為善為惡為喜
為怒

枉矢星論

晋書曰枉矢類流星色蒼黑蛇行望之如有毛臣長教匹著天

主反萌主射愚見則謀反之兵合射所誅亦為以亂代亂
潛潭巴曰枉矢流天下恐 潛潭巴曰枉矢出臣不忠民不
良 天文錄曰枉矢黑軍士不勇疾流腫 漢書曰秦將亡
項羽救鉅鹿枉矢西流枉矢所觸天下之所伐射滅亡象也
物莫宜于矢今蛇行不能直而枉者執矢者亦不正以象項
羽執政亂也 晉惠帝光熙元年五月枉矢西南流是時司
馬越西破河間兵奉迎大駕尋收繆胤何綏等肆无君之心
天下惡之及死而石勒焚其尸柩是其應也

天狗星論

巫咸曰天狗狀如大奔星色黃有聲其止地類狗所墜望之如
火光炎炎冲天其上銳其下員如數頃田處 却萌曰星
其狀色赤白有光下即為天狗 荆州占曰流星有光見人

面墜无音若有足者名天狗其色白其中黃如遺犬狀 潛
潭巴曰天狗主候兵討賊 考吳郵曰天狗見則四方相射
天官書曰天狗見則破軍殺將 却萌曰天狗出入人相
食 春秋緯曰天狗流五將聞 班固曰天狗所降以戒守
禦 天文錄曰天狗所下兵大起國易政 晉穆帝升平四
年十月庚戌天狗見西南占曰有大兵流血至海西公太和
五年遣使免袁真為庶人桓温征壽春真病死息瑾代立求
救于苻堅温破苻堅苻堅軍六月壽春陷

營頭星論

司馬彪曰營頭星者有云如壞山墮所謂營頭之星所墜其下
覆軍流血千里 亦曰流星晝隕以為營頭 晉穆帝永和
八年六月辛巳未日入有流星大如三斗魁從辰巳上東南

行啓度推之在箕斗之間蓋燕分也按占為營貢營首之下
流血滂沱是時慕容隽僭稱大燕攻伐无已

乾象通鑑卷第九十八終

乾象通鑑卷第九十九

流星總論

流星統序

流星犯日

衆星犯流

流星犯歲星

流星犯鎮星

流星犯辰星

流星統序

流星光色

流星犯月

五星俱流

流星犯荧惑

流星犯太白

傳曰流星天使也自上而下曰流自下而昇曰飛大者曰奔也亦

流星也星大者使大星小者使小聲隆也怒之象也行疾者
期速行遲者期遲大而无光者衆人之事小而无光者貴人

之事大而光者其人貴且衆也乍明乍滅者賊成敗也前大後小者恐憂也前小後大者喜事也蛇行者奸事也往疾者而不返也長者其事長久短者事疾也奔者所墮其下有兵无風云有流星見良久間乃入為大風發屋坼木大小流星百數四面行者衆庶移流之象流星如瓮者為有發謀事尔若大如桃者為使事凡圍城而有流星來往過城者及墜城市或營壘之中皆軍破敗散之象也流星散為八角此帝王欲發使慰勞四方一云或有公相出者流星從出敵來吾軍上必有間謀來說吾士卒夜半至或寅時使至流星若流而不止者不出百八十日有動衆離散若墜吾軍營中大凶可以速退軍避之一云易將而禳之

流星光色論

晉書曰流星之數有音如炬火下地野雉鳴天保也所墜國安有喜若水流星色青白名曰地雁其所墜者兵起 流星有光青赤長二三丈名曰天雁軍中之精華也其國起兵將軍當從星所之 流星暉然有光七白長競天者人主之星也主相將軍從星所之 天文摠論曰流星有芒或有聲者此為怒氣各以其分占之色青憂為飢赤為旱黃為喜為土功事白為兵為刑為罰黑為病為死為水灾為疾疫光者休王而点之各以日辰宿分所屬之國分野論之 流星有光尾狀如尾布蒼白色為使邑赤言兵色黑論死喪 流星甚大其光照地色青赤流四旁者五客不登 流星光色黃出後有角而東去極一望不止此人君不可出宮 有大流星赤色照地流往東者吳起有兵流而西去秦分有难往北趙郡有

兵有大流星光焰後而墜地无音曰天狗其地流血 流星
前赤後黑客軍敗 流星大如盆色白長數丈滅而雲周天
名曰杳巖所之所兵戰流血 流星大如盆搖動或下或上
青白其降所下之地人民飢荒甚也或如盆其后色白其中
熒比如遺火名曰天狗其狗所下之分當有流血殺將 漢
孝和帝永元七年三月丙辰流星起天津天津為水是歲七
月雨水漂人民是其應 晉成帝咸康六年二月庚午翔有
流星大如斗光耀地出天市西行入太微占曰大人當之八
年六月成帝崩應之 宋孝武帝孝建元年二月有大星如
月西行其年豫州刺史曹爽反伏諫 周宣帝大象元年五
月癸丑有流星大如斗出太微落比如遺火是月遣使簡視
京兆及諸州士民之女充選後宮突冠并州 唐文宗開成

四年十月辛酉有流星入斗占曰大臣死丁丑太子太保李
聽卒 後梁高祖開平二年八月甲子夜中方有火流星光
明燭地有聲如裂帛占曰有至兵九月丙子晉人寇晉絳丁
丑帝西征 後唐明宗長興三年九月辛丑夜有流星如五
斗器西南流長數丈屈曲如危形又有象星亂流不可勝數
曰有兵湊至十一月辛丑秦州節度使張廷奏率師侵蜀

流星犯日論

傳曰流星犯日而赤色向日而流者天下不安帝王易政百姓
流亡九州荒蕪 流星應日前銳後方下有教臣宮室不安
天下振動日月无光人民大疫天下半死 流星前赤後白
夕見者大臣欲謀其國 流星夕墜光耀天下者所墜分墊
其下有霸者有流血之灾一云有疾疫 流星赫奕医日王

者惡之期百日近期十日 流星晝見競天明者有陰謀臣
欲奪國政誅罰賢良遠期二年中百日近六十日 流星落
有聲如雷野雉皆雉群馬盡驚所墜之地有大兵流血滂沱
遠三年近一年 流星七八九一時晝見墜地者不有大喪
或有大旱 流星前赤后白者夕見大臣有陰謀之事 后
魏明帝神瑞元年四月癸丑流星晝見于中天西行占曰天
下有兵戈起是時十二月端七犯塞 唐代宗大歷三年九
月乙丑晝見流星出午沒丑尋後桂州山獠陷州城逐刺史
李良靈州大將白元光破山獠刀餘

流星犯月論

傳曰流星冲月透者大臣誅太子凶 流星冲月大臣貶黜百
日內近期十月 流星色白冲月者皇后憂色者皇后疾病

一云後宮有口舌王者忿怒 流星映月光者欲有大臣至
他邦宣揚帝德 流星双貫月者宰相凶 流星入月亡
光將誅期一年 流星五色映天奪月光者帝有大臣出使
流星赤光前方後銳映天者公卿欲謀起兵 流星四面一
時刺月者大臣弑其君一云四方有使還有讒佞誣上 有
大流星入月四夷來中華期一年 周宣帝大象元年六月
丁卯有流星一大如雞子出氐中西北流有尾迹長一丈所
入月即滅占曰不出三年人主憂又曰有亡國靜帝幽閉之
應 隋高祖仁壽四年六月庚午有流星入月中占曰有大
兵喪有亡國破軍殺將七月丁未上崩于仁壽宮大寶殿

衆星流論

星者陰陽之精五行之形在体在下精耀在上百官之位各因

其源星飛及行萬人不安之象衆星並流將軍並奔兵隨星所流以擊之 晉懷帝永嘉元年十二月丁亥有流星四散列向云 天官列宿在位之象其衆小星死名曰康民之類此百官衆庶將流散之象也是後天下大亂百官萬姓流移轉死矣 後魏文帝和平元年三月有流星數千萬西行占曰庶人遷之象既而吐谷渾舉國西遁大軍隨躡之 隋文帝開皇五年八月戊申有流星數百四散而下占曰小星四面流行庶人流移之象其九年平陳江南士人悉播遷入京師 唐文宗開成四年三月二十六日夜自四更至五更中央四方流星大小二百餘並西流皆有尾跡長二丈許是歲夏大旱祈禱无應文宗憂形于色宰臣進曰星官言天下時當尔乞不過勞聖慮帝改容言曰朕為人主无德庇人比年

灾旱星文適見若三日內不雨朕當退歸南內卿等自選賢明之君以安天下宰相楊嗣復等嗚咽流涕不已

五星俱流論

天文摠論曰五星俱流者所主之分國飢歲荒帝主不安其下有敗國其五星若流有福之鄉其下聖人出若流於死福之鄉將受其殃其邦喪亡天地反覆之象也

流星犯歲星論

天文摠論曰流星與歲星開光却偃者其地主辱使當受戮流星赤光直穿歲星過者其分使遇害 又曰太守被戮曰光而銳刺歲星其分使被戮 流星黃潤行緩頭尾端直去歲星一二寸滅者其分君有福隣國來賓主霸國昌

流星犯熒惑論

天文總論曰流星冲荧惑其下君有福慶光若映荧惑者隣國當有大使至此威權之使也有奸謀之意宜防慎之 流星中荧惑而无光者其分國憂飢荒人民流亡

流星犯鎮星論

天文總論曰流星犯鎮星外國有奸人入國或夷狄來貢 流星來冲鎮星而无光其下君有憂 流星來抵鎮星一十許上而沒其土星光潤其分有福 流星犯鎮星而色赤其分有兵色黑有水 一曰有喪

流星犯太白論

天文總論曰流星來犯太白其分弱軍主兵散无兵亡起 流星來冲太白太白无光其軍師有憂 一曰將死其下 流星潤七前後有光而銳來穿太白其下君有德令大行外若

有軍却還

流星犯辰星論

天文總論曰流星犯辰星帝王有霸者德令施行四方水官憂 一云有大水主 流星犯辰星被流星奪其光色者外邦有使至論得大事

乾象通鑑卷第九十九終

乾象通鑑卷第一百

雜星摠論

飛星論

星隕如雨論

星墜地論

常星不見論

飛星論

奔星論

晝隕星論

常星晝見論

天文摠論曰飛星者類流星也自下而上飛星 晉書曰飛星

大如缶若先後皎然白前卑後高此謂頡頏其所從者多死

亡 晉書曰飛星大如瓮皎然白星滅復白者曲環如車輪

此為解術其國人相斬為爵祿 晉書曰飛星大如缶若瓮

其後皎然白長數丈星滅復白者化為云沉下名下滑所下

乾象通鑑卷第九十九

乾象通鑑卷第一百

有流血積骨 京房曰星飛及行萬人不安衆庶移徙人民
流亡之象 漢成帝陽朔四年閏月庚午夜有飛星大如缶
出西南入斗下曰漢使匈奴明年鴻加元年正月匈奴單于
雕陶莫臯死五月甲午遣中郎將楊興使弔之

奔星論

天文摠論曰大流星曰奔星所墜其下有兵光迹相連曰流
絕迹而去曰奔 隋煬帝大業十一年十二月戊寅有大流
星如斛墜賊盧月明營破其冲鞠壓死十余人占曰奔星所
墜破軍殺將其年王世充擊盧月明城破之

星隕如雨論

天文摠論曰星隕如雨有兵起 晉武帝泰姑四年七月星
隕如雨皆西流占曰星隕為百姓叛西流吳入歸晉之象也

後二年吳夏口督孫孝率部曲二十餘人來降 晉武帝泰
康九年八月壬子星隕如雨劉向傳曰下去其土之象後三
年帝崩而惠帝立天下自此大亂 梁高祖大通四年甲辰
星墜如雨占曰陽失其位災害之萌 又曰星隕如雨人民
叛下有專政責人有憂其後候景叛亂帝以幽崩人家奔散
之應也 隋高祖開皇十九年十二月乙未夜星隕于渤海
占曰陽夫其位災害之萌也 又曰大人憂時右僕射楊素
感高祖及獻后勸廢嫡立庶其月乙丑廢皇太子勇為庶人
明年改元此皆陽失其位及革政易主之驗也 隋煬帝大
業十三年五月癸巳有大流星隕于吳郡占曰有亡國有死
王有大戰破軍殺將其後大軍破逆賊劉元進于吳郡斬之
應也

星晝隕論

晉惠帝太安二年十一月辛巳有星晝隕中天有聲如雷是時
河開王顥成王頹二人領兵遇乘輿公私窮蹙乘石万錢詔
命所行一城而已一云營頭所下有兵流血明年劉元海石
勒攻掠并州多所殘滅王後起燕伐鮮卑及掠鄴中百姓塗
地有聲如雷怒之象也 唐禧宗光哲二年五月丙子晚有
大星隕于蔡賊秦宗權壘有聲如雷辛巳帝乃陳兵于汴水
之上充蕪滑軍皆來赴援翌日分布諸將齊攻敗賊斬首二
萬級獲牛馬輜重器甲不可勝數宗權應遁之應也

流星墜地論

天文總論曰流星夕墜地光耀天者其下有兵戰流血成河若
流星六七八一時晝見地墜者其分君憂遇弒大旱流血民

飢之象 流星墜下地有聲野雞盡雉群鳥驚有光始人其
下大戰流血積尸遠不出三年近則一年 晉懷帝永嘉四
年庚子夜大星西北而墜有聲尋而帝蒙塵于平陽 梁高
祖武帝太清三年正月戊辰有流星長三十丈墜武庫時侯
景叛帝遣李遷仕及天門太守樊文皎進軍清漢東為賊所
破文皎死 東魏武定四年丁未高祖圖王璧城夜有星墜
於營中衆駭皆鳴而馬又嘶占曰破軍殺將高祖不豫五年
正月丙午帝崩 隋煬帝大業十一年十二月戊寅大流星
墜賊盧明月營破其冲輞壓死十餘人占曰奔星所墜破軍
殺將明年三月宇文化及殺煬帝于江都 唐中宗景龍二
年二月癸未夜有星墜西南有聲如雷野雞皆雉占曰有敗
軍死將至十一月癸未安西都獲牛師獎與田突厥婆葛戰

于火燒城師獎敗積沒于陣 唐穆帝長慶元年四月有大
流星墜于吳分聲如飛羽墜地有聲至秋浙東薛戎大夫有
疾巫者云宜出其境避之行至松江而薨明年浙西大將王
國清謀叛伏誅

常星不見論

天文總論曰若是无名之星或見或不見者是二十八宿即合
常見故曰常見也若乃不見即為人君及百官各有崩亡之
象 陳宣帝大建五年九月晦日常星不見二十八宿中外
官悉皆動搖占曰百官勞役

常星晝見論

天文總論曰常星與日並出此名陰盛陽衰星與日爭光武且
弱文且強當有女子為主在邑為喪在楚為兵一云臣有奸

心君不明故下有縱橫不爾有大水災又云常星晝見虹不
滅臣人生明奪日光天下當有立王 又曰臣篡君位大臣
皇后專政諸侯列土稱王

河間府免解進士李季奉

聖旨編

乾象通鑑卷第一百 終



韓象遠錄卷之十一

卷之十一

韓象遠錄卷之十一

皇朝... 韓象遠... 錄卷之十一



